

ხელშეკრულება სახელმწიფო შესყიდვის შესახებ

NAT 02-078/19

ქ. თბილისი

29 მარტი 2019 წელი

ერთის მხრივ (შემსყიდველი): სსიპ „იუსტიციის სახლი“

წარმოდგენილი აღმასრულებელი დირექტორის მოადგილის (ფინანსების დირექტორი) ავთანდილ კობრეიძის სახით,

საიდენტიფიკაციო კოდი: 204 580 202

მისამართი: ქ. თბილისი, სანაპიროს ქ. №2

მიმღები: სახელმწიფო ხაზინა

ბანკის კოდი: TRESGE22

სახაზინო კოდი: 707467520

მეორეს მხრივ (მიმწოდებელი): შპს „დიჯიტი“

წარმოდგენილი დირექტორის ემზარ ღონდაძის სახით,

საიდენტიფიკაციო კოდი: 404 417 831

მისამართი: ქ. თბილისი, ა.ყაზბეგი 31ა

ბანკის დასახელება: სს „ვი თი ბი ბანკი“

ბანკის კოდი: UGEBGE22

IBAN: GE73VT7000000011114444

წინამდებარე ხელშეკრულება გათვორთმებულია სახელმწიფო შესყიდვის შესახებ საქართველოს კანონის 10¹ მუხლის პირველი პუნქტის და სახელმწიფო შესყიდვის სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად, პრეტენდენტის (შპს დიჯიტი) სატენდერო წინადადების საფუძველზე, № NAT190003497 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

2. ხელშეკრულების საგანი

- 2.1. სსიპ „იუსტიციის სახლი“-ს მიერ, 2019 წლის საკუთარი შემოსავლების ფარგლებში, ავტომატური რეცხვა-დასუფთავების და ქიმიური წმენდის მომსახურების სახელმწიფო შესყიდვა (CPV 50112300 - მანქანის რეცხვა და მსგავსი მომსახურებები) შემსყიდველისათვის გადაცემული ტალონებისა და პლასტიკური ბარათების სისტემის მეშვეობით.
- 2.2. შესყიდვის ობიექტის დასახელება, აღწერილობა და რაოდენობა განისაზღვრება **დანართი N1-ის** შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

3. ხელშეკრულების ღირებულება

- 3.1. ხელშეკრულების ღირებულება შეადგენს **4262,16 (ოთხი ათას ორასსამოცდაორი ლარი და 16 თეთრი) ლარს;**
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს **(დღგ-ს გათვალისწინებით)**.
- 3.3. შესყიდვის ობიექტის ერთეულის და საერთო ფასი მოცემულია ხელშეკრულების **დანართში N1**.

4. ხელშეკრულების შესრულების კონტროლი

- 4.1. ხელშეკრულების შესრულების კონტროლს ახორციელებს სსიპ „იუსტიციის სახლი“-ს ინფრასტრუქტურის განვითარებისა და ლოჯისტიკის სამსახური;

4.2. შემსყიდველი ორგანიზაცია უფლებამოსილია ანარმოს მონოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე.

5. შესყიდვის ობიექტის მიღება ჩაბარების წესი:

5.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით;

5.2. მიღება-ჩაბარების აქტი მხარეთა შორის გაფორმდება ეტაპობრივად, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირის მიერ შედგენილი ინსპექტირების დასკვნის საფუძველზე. ბარათის მეშვეობით მომსახურების განხორციელების შემთხვევაში - ყოველთვიურად, ფაქტობრივად გაწეული მომსახურების ღირებულების შესაბამისად, ხოლო, ტალონების მიწოდების შემთხვევაში - ფაქტობრივად მიწოდებული ტალონების ღირებულების შესაბამისად.

6. ანგარიშსწორების ფორმა, ვადები და პირობები

ანგარიშსწორება განხორციელდება ეტაპობრივად, უნაღდო ანგარიშსწორებით, ეროვნულ ვალუტაში - ლარში, შემდეგ ვადაში: **როგორც პლასტიკური ბარათებით ასევე ტალონებით მომსახურების შემთხვევაში: 5.2 პუნქტის შესაბამისად** გაფორმებული მიღება-ჩაბარების აქტისა და მიმწოდებლის მიერ ელექტრონული საგადასახადო ანგარიშ-ფაქტურის გამოწერიდან 10 (ათი) სამუშაო დღის განმავლობაში.

7. მომსახურების გაწევის პირობები, ვადები და ადგილი

7.1. შესყიდვის ობიექტის მონოდების ადგილი: მიმწოდებლის ექსპლუატაციაში არსებულ ავტოსამრეცხაოებში საქართველოს მასშტაბით (მ/მ მინიმუმ ხელშეკრულების **დანართი N2-ში** მითითებულ ავტოსამრეცხაოებში). ავტოსამრეცხაოების მისამართის ცვლილების (ტექნიკური დავალების მოთხოვნათა გათვალისწინებით) შემთხვევაში, მიმწოდებელი ვალდებულია აღნიშნულის თაობაზე წინასწარ (არაუგვიანეს 10 (ათი) დღით ადრე) აცნობოს შემსყიდველს;

7.2. რეცხვის ჯერადობის აღრიცხვა უნდა მოხდეს **დანართი N1-ის** პირველი პოზიციით გათვალისწინებული ავტომატქანებისთვის საბარათე/პლასტიკური ბარათების სისტემით - თითოეული ავტოსატრანსპორტო საშუალებისთვის ინდივიდუალურად, ხოლო, ამავე დანართის მეორე პოზიციისათვის მომსახურების გაწევა უნდა განხორციელდეს რეცხვის ტალონების მეშვეობით;

7.3. **მიმწოდებელმა საკუთარი ხარჯებით უნდა უზრუნველყოს ტალონების/პლასტიკური ბარათების დამზადება და მიწოდება.**

7.4. ხელშეკრულების გაფორმებიდან არაუგვიანეს 5 (ხუთი) სამუშაო დღის ვადაში მიმწოდებელმა უნდა უზრუნველყოს დანართი N1-ით გათვალისწინებულ შესაბამის მანქანებზე პლასტიკური ბარათების დამზადება და შემსყიდველისათვის უსასყიდლოდ მიწოდება;

7.5. მიმწოდებლის მიერ **დანართი N1-ის (ფასების ცხრილი)** მეორე პოზიციით გათვალისწინებულ ავტომატქანაზე მომსახურების რეცხვის ტალონებით გაწევის შემთხვევაში, მიმწოდებელმა ხელშეკრულების გაფორმებიდან **5 (ხუთი)** სამუშაო დღის ვადაში უნდა მიაწოდოს შემსყიდველს **24 (ოცდაოთი)** ცალი რეცხვის ტალონი, რაზედაც მხარეთა შორის ფორმდება შესაბამისი მიღება-ჩაბარების აქტი;

7.6. პლასტიკური ბარათების სისტემით რეცხვის მომსახურება განხორციელდება შემდეგი წესით:

7.6.1 მიმწოდებელი ვალდებულია საბარათე (პლასტიკური ბარათი) სისტემის მეშვეობით მომსახურების გაწევის შემთხვევაში, ხელშეკრულების გაფორმებიდან არაუშუალოდ 2 (ორი) სამუშაო დღის ვადაში, თავის ვებ-გვერდზე გაუხსნას შემსყიდველს სპეციალური ანგარიში და უზრუნველყოს შემსყიდველის მიერ შეძენილი რეცხვის მომსახურების ჩარიცხვა აღნიშნულ ანგარიშზე, პლასტიკურ ბარათებზე მისი შემდგომი განაწილების მიზნით. სპეციალურ ანგარიშზე რეცხვის მომსახურების ჩარიცხვის მომენტიდან, იგი წარმოადგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით;

7.6.2 შემსყიდველის პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით გადასცემს შემსყიდველის უფლებამოსილ წარმომადგენელს და ამავდროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათებზე მომსახურების გადატანამდე შეცვალოს მიმწოდებლის მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის შემსყიდველის წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცონირებულ გამოყენებაზე, ელექტრონული ანგარიშიდან პლასტიკურ ბარათებზე მომსახურების უნებართვო გადატვირთვაზე და სხვა მსგავს შემთხვევებზე, აგრეთვე ამით გამოწვეულ ნეგატიურ შედეგებზე, გადადის შემსყიდველზე;

7.6.3 შემსყიდველი ვალდებულია პლასტიკური ბარათი შეინახოს მზისგან, ელექტრული და მაგნიტური ველებისაგან (მობილური ტელეფონი, ტრანსფორმატორი, ტელევიზორი და სხვ.) დაცულ ადგილას, ასევე, არ მოახდინოს პლასტიკური ბარათის გაღწევა. მიმწოდებელი არ არის პასუხისმგებელი ამ მოთხოვნის შეუსრულებლობის შემთხვევაში ბარათის დაზიანებაზე. პლასტიკური ბარათის ფიზიკური დაზიანების ან/და დაკარგვის შემთხვევაში, შემსყიდველის მხრიდან წერილობითი შეტყობინების მიღებისთანავე დაუყოვნებლივ უზრუნველყოს ბარათის ბლოკირება. შემსყიდველს უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადატანა, ამასთანავე, ბლოკირებამდე ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება შემსყიდველს. პლასტიკური ბარათის პროგრამულად დაზიანების შემთხვევაში, მიმწოდებელი უსასყიდლოდ დაუშვადებს შემსყიდველს ახალ პლასტიკურ ბარათს შემსყიდველის მოთხოვნიდან არაუგვიანეს 5 (ხუთი) სამუშაო დღის განმავლობაში.

7.7. ტალონების საშუალებით რეცხვის მომსახურება განხორციელდება შემდეგი წესით:

7.7.1 მიმწოდებელმა ხელშეკრულების გაფორმებიდან 5 სამუშაო დღის ვადაში, უნდა მიაწოდოს შემსყიდველს 24 (ოცდაოთხი) (დანართი N1-ით გათვალისწინებულ მე-2 პოზიციაზე) ცალი რეცხვის ტალონი, რაზედაც მხარეთა შორის ფორმდება შესაბამისი მიღება-ჩაბარების აქტები;

7.7.2 მიღება-ჩაბარების აქტში აღინიშნება შეძენილი რეცხვის ტალონების სახეობა, რაოდენობა, ღირებულება და სხვა პარამეტრები. წინამდებარე ხელშეკრულების ინტერესებიდან გამომდინარე, ავტომატურად რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაო მიილოს შესაბამისი მომსახურება.

7.7.3 ტალონების გადაცემის შემდეგ მათი დაკარგვის, დაზიანების ან განადგურების რისკი ეკისრება „შემსყიდველს“. ამასთან, უკვე გაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. ყოველ ტალონზე აღნიშნული უნდა იყოს:

- ტალონის ნომერი;
- მიმწოდებლის დასახელება;
- ტალონის (მომსახურების) სახეობა;

7.7.4 შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი დაუყოვნებლივ აცნობებს მიმწოდებელს დაკარგვის შესახებ ტელეფონით, ან ელ.ფოსტის საშუალებით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს. მომსახურების გაწევა იწარმოებს ტალონის ავტოსამრეცხაო სადგურზე წარმოდგენისთანავე ნებისმიერ მის წარმომდგენ პირზე. ტალონების განადგობა არ დაიშვება. შემსყიდველის წარმომადგენელი უფლებამოსილია დაესწროს მიმწოდებლის მიერ შესაბამისი ავტომატური რეცხვის პროცესს.

7.8. მომსახურების გაწევა იწარმოებს მაღალი ხარისხის სარეცხი და სანმენდი სპეციალური საშუალებებისა (ქაფი, გელი, სპეციალური სითხეები, საბურავის სანმენდი საშუალებები და სხვა) და ტექნიკური მოწყობილობების გამოყენებით.

7.9. ბარათების/ტალონების მოქმედების ვადა განისაზღვრება შემდეგნაირად: ბარათების მოქმედების ვადა - 2019 წლის 31 დეკემბრის ჩათვლით, ხოლო ტალონების მოქმედების ვადა - უვადო.

7.10. მომსახურების გაწევა უნდა დაიწყოს ავტოსამრეცხაო სადგურზე შესაბამისი ბარათის/ტალონის წარმოდგენიდან არაუგვიანეს 1 საათის განმავლობაში.

7.11. იმწოდებელმა უნდა უზრუნველყოს ზემოაღნიშნული მანქანების როგორც გარე, ასევე შიდა (სალონი, საბარგული) რეცხვა-დასუფთავება;

7.12. მომსახურების გაწევა იწარმოებს მაღალი ხარისხის სარეცხი და სანმენდი სპეციალური საშუალებებისა (ქაფი, გელი, სპეციალური სითხეები, საბურავის სანმენდი საშუალებები და სხვა) და ტექნიკური მოწყობილობების გამოყენებით.

- 7.13. მიმწოდებელი ვალდებულია ავტომობილის ქიმწმენდამდე მოახდინოს ავტოსატრანსპორტო საშუალების სალონის დაშლა სათითაო ნაწილის მიხედვით, მოიხსნას: სკამები, სალონის გვერდითი შეფუთვა - „აბიჯები“ , საბარგულის შიგნითა შეფუთვა და ტორპედო.
- 7.14. მიმწოდებელი ვალდებულია ჩაუტაროს ქიმწმენდა სალონის მოხსნილ ნაწილებს და ასევე სალონის ჭერს;
- 7.15. ქიმიური დასუფთავება უნდა მოხდეს მაღალი ხარისხის ქიმიური ხსნარით.
- 7.16. მიმწოდებელი ვალდებულია წარდგენილ ავტომობილზე ქიმწმენდა ჩაატაროს 48 საათის განმავლობაში.
- 7.17. ქიმწმენდა ჩატარდება თითოეულ ავტომობილზე 1 (ერთჯერადად) მიმდინარე წლის განმავლობაში.

8. პირგასამტეხლო ხელშეკრულების პირობების შეუსრულებლობისათვის

- 8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ვადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.
- 8.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ასეთ შემთხვევაზე ხელშეკრულების ღირებულების 1%-ის ოდენობით.
- 8.3. გადახდის ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე დროულად გადაუხდეელი თანხის 0,1%-ის ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.
- 8.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.
- 8.5. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.6. იმ შემთხვევაში თუ ხელშეკრულების მოქმედების ვადის გავლის შემდეგ, მიმწოდებლის მიერ ხელშეკრულებით ნაკისრი ვალდებულებები შეუსრულებელია, შემსყიდველს უფლება აქვს დააკისროს მიმწოდებელს პირგასამტეხლო ხელშეკრულების ღირებულების 10%-ის ოდენობით.
- 8.7. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

9. მხარეთა ვალდებულებანი

9.1 „მიმწოდებელი“ ვალდებულია:

- 9.1.1 უზრუნველყოს მაღალხარისხიანი მომსახურების გაწევა წინამდებარე წინამდებარე ხელშეკრულების დანართში მითითებულ ავტომანქანებზე, წინამდებარე დოკუმენტით დადგენილი პირობების შესაბამისად.
- 9.1.2 მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზიანის, ასევე ინსპექტირების შედეგად გამოვლენილი დეფექტის ან ნაკლის აღმოფხვრა უზრუნველყოს საკუთარი სახსრებით, შემსყიდველთან შეთანხმებულ გონივრულ ვადაში.

9.2 „შემსყიდველი“ ვალდებულია:

უზრუნველყოს მიმწოდებლის მიერ მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

9.3 „მიმწოდებელს“ უფლება აქვს:

- 9.3.1 მოითხოვოს მოწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების მიხედვით.

9.4 „შემსყიდველს“ უფლება აქვს:

- 9.4.1 აწარმოოს მოწოდებული შესყიდვის ობიექტის ხარისხის და რაოდენობის კონტროლი.

10. ხელშეკრულებაში ცვლილების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.
- 10.4 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშუალოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.
- 10.5 ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.

11. ხელშეკრულების შესრულების შეუძლებლობა

- 11.1 ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).
- 11.2 ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.
- 11.4 მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

12. დავები და მათი გადაწყვეტის წესი

- 12.1 ხელშეკრულება დადებულია და განიმარტება საქართველოს კანონმდებლობის შესაბამისად.
- 12.2 ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.
- 12.3 შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

13. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერიდან და მოქმედებს 2020 წლის 31 იანვრის **ჩათვლით**.

ხელმოწერილია:

მხარეთა უფლებამოსილი წარმომადგენლების მიერ, „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-4 პუნქტის შესაბამისად, კვალიფიციური ელექტრონული ხელმოწერით.

ვიზირებულია:

სსიპ „იუსტიციის სახლის“ შესყიდვების სამსახურის უფროსის მიერ.

სსიპ „იუსტიციის სახლის“ ადმინისტრაციისა და სამართლებრივი უზრუნველყოფის სამსახურის უფროსის მიერ.

№	ავტომატის ტიპი	მომსახურების დასახელება	ავტოსამრეცხაოს მომსახურების ჯამური სავარაუდო რაოდენობა	ავტოსამრეცხაოს ერთჯერადად მომსახურების ღირებულება	მომსახურების ჯამური ღირებულება
1	2	3	4	5	6
1	სუდანი (8 ა/მანქანა)	რეცხვა	552	7.08	3908.16
		ქიმიური წმენდა	1	70.8	70.8
2	ბუსი (1 ა/მანქანა)	რეცხვა	24	11.8	283.2
სულ ღირებულება დღგ-ს ჩათვლით:					4262.16

ინფორმაცია ავტო-სამრეცხაოების ქსელის შესახებ

- 1.** ქ. თბილისი, უნივერსიტეტის ქ. N2
- 2.** ქ. თბილისი, გაბრიელ სალოსის ქ. N50
- 3.** ქ. ბათუმი, აბაშიძის ქ. N53
- 4.** ქ. ქუთაისი, 9 აპრილის ქ. N2^o